

Heiqguengjdoeng Laeng Gvangjsih

广西粤剧

□ Maj Veiyungz comz hoiz

Heiqguengjdoeng youq Gvangjsih doenghij dieg gangj begvah de miz haemq lai, dwg cungj heiq vwnzva Lingnamz caeuq vwnzva Betgveiq doxgap le couh ok haenx. Bi 2014, Heiqguengjdoeng ndaej senj haeuj buek daihsei q giekgya gaep feihyiz hangmoeg mingzloeg.

Lizsij Heiqguengjdoeng

Heiqguengjdoeng youh heuhguh heiqdaih, dwg daj heiqnamz bienq daeuj. De riuz youq Gvangj-dungh, Gvangjsih, Yanghgangj, Aumwnz caeuq rogguek gij dieg miz vunz Cungguek youq haenx. Dwg cungj heiq deihfueg dawz ciengq doeg, boiq yinhyoz, buhvaq daizheiq daengj guh giz ndeu. Gij sing cawjdaez dwg diuh moegnawz caeuq ngeihvuenz, giem miz diuh cap, cix naeuz cix ciengq daengj.

De gaxgonq dwg aeu Vahgun ma biujyienj. Mwh Cingciuz yaek sat Minzgoz yaek daengz, Gyoengqvunz miz vwnzva de vihle fuengbienh lwnhgangj gwzming, hawj vunzmbanj engq yungz-heih rox, couh gaij aeu Vahguengjdoeng ma baiz heiq. Doeklaeng vunz couh an coh guh "Heiqguengjdoeng".

19 sigij satbyaij, hauilai heiqban Guengfuj naengh ruz riengz Dahsihyangh doxhwnj daengz Vuzcouh, Nanzningz daengj dieg bae biujyienj Heiqguengjdoeng. Heiqguengjdoeng couh yiengh-neix baez di baez di youq Gvangjsih roengzrag, haiva baenzaen. Doengh aen sok hung Dahsihyangh couhdwg gij dieg aeu ma biujyienj youqgaenj de. Lungzanh Yen Nazdungz Cin miz baj sigbei geiqsaw "Gvanghsi geijmaux nienz miz Gvangjdungh daihban daeuj".

Heiqguengjdoeng laeng Gvangjsih youh heuhguh Heiqguengjdoeng Yasifuj roxnaeuz Heiqguengjdoeng Nanzbai, gij biujyienj caeuq neiyungz gig miz

daegsaek vwnzva Gvangjsih.

Heiqfaenz biujyienj saeqnaeh, haengj langhbaij gij cingzgamj ndawsim bouxvunz, baizciengz cix ciuq gij neiyungz mbouj doengz de guh ok baenz dauq yizsiz dindh ndei haenx; gyoengqvunz Lozyez daj ciuhgeq doxdaeuj couh maij goengfou, ndigah heiqfoux biujyienj mizrengz saedyungh, "bouxai diuq siujdiuq caiq faen hung iq, mehmbwk diuq siujdiuq caeuq gaeuz hwet"; gij diuh Heiqguengjdoeng rwenzraeuh ndeidingq, sing laz, sing ca caeuq sing loxlez dingq ndaej haemq cingcuq, diuh sang cix goksat, seiq henz gyawj cungj dingq ndaej nyi liux.

Daegdiemj Heiqguengjdoeng

Gij daegdiemj de dwg yienghlawz ne? Daih-it, seizneix Heiqguengjdoeng laeng Gvangjsih lij ce miz gij baizciengz conzdungj, goengfou Nanzbai dem dwzgi. Lumjbaenz 《Caeuq Yah Doxcomz Dahsihhoz》 cit heiq baizciengz neix couh yungzhab le gvaq bya, haep dou doxdwk, sou sawdajgauq, caeuq yah doxcomz, nauh ranz bouxwnq, gaujciengz beij foux daengj baizciengz; baijok dwk daengzbaiz, bi byoem daengj dwzgi Nanzbai; youq gwnz daengqsang biujyienj lai cungj goengfou lumj canj daiz, diuq daiz, dongh vamoiz, sangh ciuq ging daengj.

Daihgeih, aeu gij gojgaeq Senj Fuhyinz laeng Heiqguengjdoeng Vuzconh ma baiz heiq. Baih-doengnamz Gvangjsih depgyawj ranghdieng baihsae Gvangjdungh, vunz gizde moix bi liggaueq cieng nyied daengz ngeih nyied cungj aeu guh sibsug nienzlaeh bae geiqniemh Senj Fuhyinz. Doeklaeng gij hozdung "yawj heiq" ndawde couh bienqbaenz cungj heiq cienmonz aeu bae biujyienj lo.

Linghvaih, Heiqguengjdoeng laeng Gvangjsih lij sawq gvaq aeu Vahcuengh bae biujyienj dem. Caemhcai q yungzhab vwnzva bonjdeih cau' ok baenz buek heiq ndei. Lumjbaenz 《Vajsi Fuhyinz》《Fag Cuiuz Aeuq Gim》《Mulenz Gouq Meh》《Genzlungz Diemj Canghyienz》《Caw Dauq Hozbuj》daengj. Caiq lumj 《Aen Dingz Haijdangz》yienh' ok doi q fwen, bau lwgdom, gwn haeuxfaengx, gwn byaseng, foux faexsax daengj fungsug Mbanjcuengh gag miz de caeuq gij lizsij Hwngz Yen. Cit heiq neix lij aeu ndaej Gaij Daih Cibngeih Cungguek Ciet Heiq Gimuciengj Ndei de.

Hojcawq Caeuq Hwngfat

Riengz dwk seizdaih bienqvaq, Heiqguengjdoeng laeng Gvangjsih mboujduenh cau' moq, caemhcai q menhmenh byaij coh sei qgyaiq. Lumj 《Duznou Haqsau》 cit heiq lwgnyez neix gangj le gij saeh haqsau aeyah gwnzbiengz, yienh' ok gyaciz-gvanh, vwnhlen' gvanh gyoengqvunz seizneix.



▲ Cit heiq 《Caeuq Yah Doxcomz Dahsihhoz》.



▲ Mbaw ngauez cit heiq 《Duznou Haqsau》.

《Yinghlo Cienh》cix dawz gij baizciengz biujyienj Heiqguengjdoeng caeuq gij fwen foux Heiqfan z Yindu doxgap hwnjdaej daengj.

Hoeng, Heiqguengjdoeng caemh daemdawz vwndiz lumj biujyienj bae bonjciengz lai, ndaej ngaenz noix, bouxyawj caeuq canghheiq cungj dwg vunzlaux lai, bouxcoz noix daengj.

Fungz Hingyenz, vunz Lungzanh, dwg bouxciepcienz giekgya gaep feihyiz Heiqguengjdoeng. De daj lij iq couh maij Heiqguengjdoeng, caet bi couh hwnj daiz biujyienj lo, sugseg 30 lai aen baizciengz faenzfoux, lumj gij dwzgi Nanzbai diuq eij, fan ginhdouj, bienq naj, gaq cibbet lozhan daengj, de cungj sug dangqmaz. De lij yienj gvaq 100 lai cit heiq hung iq dem. Fungz Hingyenz gig yawjnaek gungganq bannomj, ganggiu "aeu heiq daiq vunz, aeu heiq ok vunz". De banh aen ban hag Heiqguengjdoeng, daengz seizneix gungh daiq ok 100 lai boux vunzciepban. Hawj Heiqguengjdoeng demlai lwed moq, daiq bae maqmuengh.



Gij heiq Nanzningz Yozgidonz yienj haenx.